



BOSNIA AND HERZEGOVINA
MINISTRY OF FINANCE
AND TREASURY

Broj: 01-08-16-1-9237-1/10
Sarajevo, 08.12.2010. godine

SVIM BUDŽETSKIM KORISNICIMA

Predmet: Instrukcija za unos obaveza u ISFU sistem koje su planirane u Budžetu tekuće fiskalne godine, a čiji će računi ili konačne situacije biti ispostavljeni u narednoj fiskalnoj godini

Ovom instrukcijom se propisuje unos i evidentiranje obaveza-rashoda kroz ISFU sistem, koje su planirane u Budžetu institucija BiH i međunarodnih obaveza BiH za tekuću fiskalnu godinu i za koje su procedure javnih nabavki završene do kraja tekuće fiskalne godine, a čiji će računi za robe i usluge ili konačne situacije za izvedene radove biti ispostavljeni u narednoj fiskalnoj godini.

Član 2. stav (1) tačka o) Zakona o finansiranju institucija BiH („Službeni glasnik BiH“, br. 61/04 i 41/09) definiše modificiranu računovodstvenu osnovu nastanka događaju u kom se rashodi priznaju u momentu nastanka obaveze. Član 19. stav (4) Zakona o budžetu institucija BiH i međunarodnih obaveza BiH za 2010. godinu, definisao je šta može biti osnova za evidentiranje obaveza za rashode po osnovu materijalnih i kapitalnih izdataka.

U skladu sa gore navedenim članovima **samo obaveze kod kojih je sprovedena kompletna zakonom predviđena procedura javnih nabavki robe i izvođenja radova i usluga, te kod kojih su zaključeni Ugovori o nabavci robe odnosno izvođenju radova i usluga sa odabranim izvođačima, započeti radovi i usluge i stvorene obaveze u tekućoj godini, mogu teretiti Budžet institucija BiH i međunarodnih obaveza BiH za tekuću fiskalnu godinu.** Sve ostale obaveze za izdatke kod kojih nije provedena zakonska procedura javnih nabavki i nisu sklopljeni ugovori u tekućoj godini, **bez obzira što su bile planirane budžetom za tekuću godinu, ne mogu teretiti Budžet institucija BiH i međunarodnih obaveza BiH za tekuću godinu.**

Za one obaveze za koje su sklopljeni ugovori o nabavci roba ili o izvođenju radova ili usluga u tekućoj fiskalnoj godini, a čije plaćanje će biti u narednoj fiskalnoj godini, evidentiranje obaveza u ISFU sistem će se realizovati na slijedeći način:

1. Budžetski korisnik će na osnovu sklopljenih ugovora s odabranim izvođačima radova i usluga i dobavljačima za opremu i potrošni materijal u Glavnoj knjizi (GL modul) napraviti dnevnik pod datumom 31.12. tekuće fiskalne godine, kojim će teretiti Budžet institucija BiH i međunarodnih obaveza BiH za tekuću godinu na način da će teretiti odgovarajući konto klase 8 ili klase 6 (u zavisnosti o tome da li se radi o materijalnim ili kapitalnim izdacima), a odobrit će se analitički konto 391292 – Razgraničeni rashodi za nabavku roba i usluga.

2. U narednoj fiskalnoj godini, kada budu stizale privremene situacije i računi za plaćanje, budžetski korisnici će u modulu AP (obaveze prema dobavljačima) unositi te situacije ili račune za plaćanje na način da će stvoriti obavezu za iznos situacije ili računa za plaćanje na analitičkom kontu 311111 – Obaveze prema dobavljačima, a za isti iznos će se teretiti konto 391292 – Razgraničeni rashodi za nabavku roba i usluga.
3. Ukoliko po završetku tih radova i usluga ili po završetku nabavke robe ne dođe do potpunog zatvaranja konta 391292 – Razgraničeni rashodi za nabavu roba i usluga, eventualni ostatak će se oprihodovati na kontu 735111 – Vanredni prihod i predstavljat će Vanredni prihod institucija BiH.

Ministarstvo sugeriše da se budžetski korisnici dosljedno pridržavaju odredbi ove instrukcije, jer u protivnom sva odgovornost za unos obaveza koja nisu u skladu s odredbama ove instrukcije, kao i pogrešan način njihovog evidentiranja biće na budžetskim korisnicima.

Budžetski korisnici koji budi izvršili unos obaveza-rashoda po ovoj instrukciji, dužni su uz godišnji izvještaj o izvršenju budžeta dostaviti i informaciju o pozicijama na kojima je izvršeno rezervisanje sredstava, kao i namjenu i obrazloženje tih razgraničenja obaveza (rashoda).

S poštovanjem,

MINISTAR

Dragan Vrankić